



Pranuar / Dorezuar Priljeno/Prodato Received/Delivery	20.04	2021	1	viti god year
Organ /Njesta Organ /Jedinstva Org /Unit	Nr Prot Bi Prot Prot No	Shtojca Prilog Appendix	Sasia Kolicina Quantity	
SKOMSHK	1907/2021		1/4	



Republika e Kosovës Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.127/2021

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave, në përbërje nga: Jeton Koca-kryetar, Malsore Gashi-Bajraktari dhe Eshref Shabani-anëtarë, me Ilire Mehmeti Shaqiri-Zyrtare e Lartë për Bashkëpunim Profesional në cilësinë e procesmbajtëses, ka shqyrtuar ankesën A.nr.127/2021 të datës 09.03.2021 të parashtruar nga ankuesi me adresë Rr.“Himë Mushkolaj”, Nr.32, Komuna e Deçanit, kundër organit të Punësimit Administrata Tatimore e Kosovës në çështjen juridike “vlerësim i rezultateve të punës”, duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.2 dhe 1.6 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, dhe nenin 47 dhe 48 paragrafi 1 të Ligjit Nr.05/L-031 për Procedurën e Përgjithshme Administrative, në seancën për këshillim dhe votim të mbajtur me datë 20.04.2021, mori këtë:

V E N D I M

- I. Aprovohet si e bazuar ankesa A.nr.127/2021 e datës 09.03.2021 e parashtruar nga ankuesi
- II. Anullohet Formulari për vlerësimin e rezultateve të punës për vitin 2020 i datës 11.02.2021 për ankuesin.
- III. Detyrohet Zëvendës Drejtori i Përgjithshëm për Operacione pranë Administratës Tatimore të Kosovës, që të bëjë rivlerësimin e rezultateve në punë për vitin 2020 për ankuesin, brenda afatit prej 15 ditësh nga dita e pranimit të këtij vendimi.
- IV. Këshilli i Pavarur Mbikëqyrës për Shërbimin Civil të Kosovës, duhet të njoftohet me shkrim pas ndërmarrjes së veprimeve në pajtim me këtë vendim.

A r s y e t i m

Ankuesi Drejtor Rajonal në Administratën Tatimore të Kosovës, me datë 09.03.201 ka parashtruar ankesë me numër protokoll 1057/2021 të regjistruar me numër A.nr.127/2021 në Këshillin e Pavarur Mbikëqyrës Për Shërbimin Civilë, kundër Vlerësimit të rezultateve në punë për vitin 2020 të datës 11.02.2021.

Këshilli i Pavarur Mbikëqyrës për Shërbimin Civil të Kosovës, me datë 10.03.2021 ka proceduar kërkesën për përgjigje në ankesë të Administrata Tatimore e Kosovës. Këshilli, me datë 26.03.2021 ka pranuar përgjigjen në ankesë se bashku me shkresat e bashkangjitura të lëndës.

Kolegji për Shqyrtimin dhe Vendosjen e Ankesave, për vërtetimin e plotë dhe të drejtë të gjendjes faktike si dhe vendosjes në mënyrë meritore, ka administruar këto prova: Ankesën më numër protokolli 1057/2021 të regjistruar me numër A.nr.127/2021 në Këshillin e Pavarur Mbikëqyrës Për Shërbimin Civilë; Formulari për vlerësimin e rezultateve në punë të datës 11.02.2021; Shkresën e datës 10.02.2021; Raportin vjetor 2020 mbi vizitat përmbushëse; Raportin Vjetor 2020 mbi Kontrollat Tatimore; Kërkesa për përgjigje në ankesë e datës 10.03.2021 me numër te protokollit 1086/2021; Përgjigjen në ankesë te datës 26.03.2021 me numër te protokollit 1423/2021; Akt emërimin e 05.05.2017 me numër 02/709/09; Formularin për përshkrimin e detyrave te punës; Formularin e datës 05.02.2019 për vlerësimin e rezultateve në pune të vitit 2018; Formularin e datës 21.03.2019 për planin individual te punës për periudhën janar-dhjetor 2019; Formularin e datës 11.02.2021 për vlerësimin e rezultateve ne pune për vitin 2020; Formularin e datës 29.04.2020 për planin individual te punës për periudhën janar-dhjetor 2020; Emali i datës 29.04.2020; Emali i datës 24.01.2020; Emali i datës 24.01.2020; Emali i datës 03.02.2020; Emali i datës 28.02.2020; Emali i datës 02.03.2020; Emali i datës 06.03.2020; 12.03.2020; 12.03.2020; 06.04.2020; 30.04.2020; 19.05.2020; 28.05.2020; 01.06.2020; 08.06.2020; 03.07.2020; 15.07.2020; 22.07.2020; 03.08.2020; 04.08.2020; 04.08.2020; 03.08.2020; 03.08.2020; 15.07.2020; 15.07.2020; 04.08.2020; 11.08.2020; 11.08.2020; 10.08.2020; 12.08.2020; 13.08.2020; 18.08.2020; 27.08.2020; 27.08.2020; 28.08.2020; 27.08.2020; 28.08.2020; 22.09.2020; 22.09.2020; 01.10.2020; 14.10.2020; 29.10.2020; 21.10.2020; 30.10.2020; 29.10.2020; 09.11.2020; 10.11.2020; 11.10.2020; 17.11.2020; 16.11.2020; 21.12.2020; 03.12.2020; 02.12.2020; 14.12.2020; 11.12.2020; si dhe emali i datës 09.11.2020.

Kolegji për Shqyrtimin e Ankesave pas shqyrtimit te të gjitha shkresave të lëndës të parashtruara nga palët, ka konstatuar se ankesa e ankuesit është e bazuar, sepse:

Bazuar në shkresat e lëndës është konstatuar se Zëvendës Drejtori i Përgjithshëm i Operacioneve në Administratën Tatimore të Kosovës, në cilësinë e udhëheqësit të drejtpërdrejtë të ankuesit, me datë 11.02.2021 ka bërë vlerësimin e rezultateve në punë për vitin 2020 për ankuesin në cilësinë e Drejtorit të Drejtorisë Rajonale të ATK-së në Ferizaj, duke e vlerësuar te njëjtin me notën e përgjithshme 2.52.

Ankuesi, i pakënaqur me këtë vlerësim, me datë 09.03.2021 ka parashtruar ankesë në Këshillin e Pavarur Mbikëqyrës për Shërbimin Civil të Kosovës, me pretendimin ankimor se vlerësimi i rezultateve në punës është bërë jashtë afatit ligjor të përcaktuar më Rregulloren Nr.21/2020 për Procedurën e Vlerësimin të Rezultateve në Punë të Nëpunësve Civil dhe Nëpunësve të Shërbimeve Publike. Me tutje ankuesi pretendon se vlerësimin lidhur me objektivat e punës nuk mbështetet në fakte të bazuar sepse sipas planeve dhe raporteve vjetore për vitin 2020 drejtoria që ka udhëhequr i njëjti ka arritur rezultate të larta dhe përmbushje të planeve të punës. Propozon që Këshilli të aprovoj ankesën si të bazuar duke ndryshuar vlerësimin e rezultateve të punës për vitin 2020 në pajtim me faktet e argumentuara lidhur me rezultatet e arritura në punë.

Kolegji për Shqyrtimin Ankesave lidhur me shqyrtimin e pretendimeve ankimore ka analizuar dispozitat e Rregullores Nr.21/2020 për Procedurën e Vlerësimit të Rezultateve në Punë të Nëpunësve Civil dhe Nëpunësve të Shërbimeve Publike, respektivisht nenin 3 ku është përcaktuar se: *1. Vlerësimi i rezultateve në punë – nënkupton një proces të përhershëm që përfshin vlerësimin e realizimit të objektivave dhe vlerësimin e sjelljes profesionale të nëpunësit i cili realizohet në pajtim me nenin 43 dhe 71 të Ligjit Nr. 06/L – 114 për Zyrtarët Publikë. Sjellja profesionale - nënkupton realizimin e punëve me cilësi dhe brenda afateve të përcaktuara, duke respektuar etikën në punë, duke treguar interesim për përmbushjen e detyrave të pozicionit dhe duke krijuar marrëdhënie të mira pune me kolegët. 1.3. Objektivat - janë përmbledhje të detyrave të punës të nëpunësit për periudhën një vjeçare të cilat rrjedhin nga objektivat e njësisë dhe përcaktohen bashkërisht me udhëheqësin e njësisë, si dhe nenin 8 paragrafi 2 ku përcaktohet se: Periudha e vlerësimit zgjat 1 vit dhe fillon nga 1 janari dhe mbaron më 31 dhjetor. Vlerësimi bëhet deri më 31 janar të vitit të ardhshëm, për vitin paraprak.*

Nga vlerësimi i shkresave të lëndës Kolegji ka gjetur se udhëheqësi i drejtpërdrejtë i ka dorëzuar ankuesit Formularin për Vlerësimin e Rezultateve në Punë për vitin 2020 me datë 11.02.2021, dhe i njëjti nuk ka zhvilluar ndonjë takim me ankuesin për të diskutuar lidhur me realizimin e objektivave dhe rezultateve të arritura, andaj si rrjedhojë Kolegji konstaton se vlerësimi i rezultateve të punës për vitin 2020 është bërë në kundërshtim me nenin 8 paragrafi 1 nën paragrafi 1.1 dhe paragrafi 2 dhe 4 të Rregullores Nr.21/2020 për Procedurën e Vlerësimit të Rezultateve në Punë të Nëpunësve Civil dhe Nëpunësve të Shërbimeve Publike, kështu që pretendimi ankimor i ankuesit në këtë kuptim është i bazuar

Lidhur me përmbushjen e objektivëve të punës Kolegji ka shqyrtuar Raportin për të Hyra dhe Aktivitete në teren për periudhën kohore janar-nëntor 2020 dhe si rrjedhojë duke u bazuar në këtë dokument ka konstatuar se për Drejtorinë Rajonale të Ferizajt, për vitin 2020 kanë qenë të planifikuara 513 vizita ndërsa janë realizuar 741 vizita, që i bijnë 44. 4% me shumë se vizitat e planifikuara. Lidhur me të hyrat, plani vjetor i planifikuar për Drejtorinë Rajonale të Ferizajti ka qenë 15.127,276 euro ndërsa janë realizuar 13.937,241 apo 92% e planit Vjetor. Ndërsa kontrolla tatimore për vitin 2020 kanë qenë të planifikuara 97 ndërsa janë realizuar 81, apo 83.5% të Planifikimit Vjetor.

Kolegji si fakt relevant me rastin e vendosjes mori parasysh edhe rrethanat e përcaktuara në Raportin Vjetor të Administratës Tatimore për Vitin 2020, ku shihet se situata e krijuar për shkak të pandemisë, ka ndikuar në uljen e numrit të aktiviteteve në teren, qoftë si rezultat e reduktimit të stafit apo si rezultat i mbylljes së bizneseve.

Andaj, duke marr parasysh të gjeturat si me lartë, bazuar në nenin 18 paragrafin 1 nën paragrafin 1.2 dhe 1.6 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, Kolegji vendosi për aprovimin e ankesës, anulimin e formularit të vlerësimit të rezultateve të punës të vitit 2020 për ankuesin dhe kthimin e lëndës në rivlerësim të udhëheqësi i drejtpërdrejtë i ankuesit.

Zëvendës Drejtori i Përgjithshëm për Operacione pranë Administratës Tatimore të Kosovës, në cilësinë e udhëheqësit të drejtpërdrejtë të ankuesit, me rastin e rivlerësimit obligohet që të marr parasysh të gjeturat dhe të veproje sipas pikëpamjeve juridike të dhëna në këtë vendim.

Në rast të moszbatimit të vendimit të Këshillit nga personi përgjegjës i përcaktuar në dispozitiv të këtij vendimi, Kryetari i Këshillit ndërmerr veprimet në pajtim me nenin 21, 23 dhe 24 të Ligjit



Nr.06/L-048 për Këshillin e Pavarur Mbiqyrës për Shërbimin Civil të Kosovës, duke aplikuar edhe ndalimin e 50 % të pagës mujore për personin përgjegjës, deri në zbatimin e vendimit të Këshillit.

Vendimi hyn në fuqi ditën e nënshkrimit nga Kryetari i Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIQYRËS PËR SHËRBIMIN CIVIL TË KOSOVËS
Lënda me numër A.nr.127/2021

Ilire Mehmeti Shaqiri

Procesmbajtëse



Vendimi i dërgohet:

- Ankuesit
- Drejtorit të Përgjithshëm të Administratës Tatimore të Kosovës;
- Zëvendës Drejtorit të Përgjithshëm për Operacione në Administratën Tatimore të Kosovës;
- Udhëheqësit të Personelit në Administratën Tatimore të Kosovës dhe
- Arkivit të KPMSHCK-së.

